

Na osnovu člana 23. Zakona o Vladi Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 8/15) i člana 70. Zakona o javnim nabavkama („Službeni glasnik BiH“, broj: 39/14, 59/22 i 50/24), a na preporuku Komisije za zajedničke javne nabavke u Bosansko-podrinjskom kantonu Goražde, imenovane Rješenjem Vlade Bosansko-podrinjskog kantona Goražde, broj: 03-11-1072-3/24 od 10.05.2024. godine, Vlada Bosansko-podrinjskog kantona Goražde, na 98. redovnoj sjednici, održanoj dana 17.10.2024. godine,

donosi:

ODLUKU

o izboru najpovoljnijeg ponuđača za nabavku kancelarijskog materijala

Član 1.

Prihvata se preporuka Komisije za zajedničku nabavku utvrđena u Izvještaju o radu, br.03-11-1072-107/24 od 07.10.2024. godine i za najpovoljnijeg ponuđača za nabavku kancelarijskog materijala bira se društvo „DEFTER“ D.O.O. SARAJEVO, sa Ponudom, br.01-10-1-1/24 od 27.09.2024. godine i ponuđenom cijenom nakon provedene E-aukcije u iznosu od 123.000,00 KM, bez PDV-a.

Član 2.

Prijedlog okvirnog sporazuma/ugovora dostaviće se na potpis izabranom ponuđaču po proteku roka od 15 /petnaest/ dana.

Član 3.

Izabrani ponuđač dužan je dostaviti garanciju za dobro izvršenje ugovora u iznosu od 10% od vrijednosti okvirnog sporazuma/ugovora u obliku bezuslovne bankovne garancije i u roku od 7 /sedam/ dana od dana kada bude obaviješten od strane ugovornog organa o zaključivanju ugovora, a shodno odgovarajućim odredbama Tenderske dokumentacije, br. 03-11-1072-76/24 iz Septembra 2024. godine.

Član 4.

Odluka stupa na snagu danom donošenja i objaviće se na web-stranici Vlade Bosansko-podrinjskog kantona Goražde, a naknadno će se objaviti i u „Službenim novinama Bosansko-podrinjskog kantona Goražde“.

Obrazloženje

Predmetni postupak nabavke pokrenut je Odlukom Vlade Bosansko-podrinjskog kantona Goražde o pokretanju postupka zajedničke nabavke, 03-11-1072-2/24 od 10.05.2024. godine. Procijenjena vrijednost nabavke iznosila je 170.000,00 KM.

Javna nabavka provedena je putem otvorenog postupka.

Obavještenje o nabavci, br. 978-1-1-8-3-12/24 poslano je na objavu dana 10.09.2024. godine, te je istog dana i objavljeno na Portalu javnih nabavki.

Komisija za nabavku, imenovana Rješenjem Vlade Bosansko-podrinjskog kantona Goražde, br. 03-11-1072-3/24 od 10.05.2024. godine, (u nastavku: Komisija) je uz Izvještaj o radu, br.03-11-1072-107/24 od 07.10.2024. godine, dostavila Zapisnik o otvaranju ponuda i Zapisnik o pregledu i ocjeni ponuda, broj: 03-11-1072-105/24 od 01.10.2024. godine, a u kojima je nakon provedene e-aukcije preporučila izbor društva „DEFTER“ D.O.O. Sarajevo kao najpovoljnijeg ponuđača.

U postupku po zaprimanju Izvještaja o radu utvrđeno je da je Komisija blagovremeno i pravilno izvršila otvaranje i ocjenu prispjelih ponuda, o čemu je sačinila odgovarajuće zapisnike, u kojima je utvrđeno sljedeće:

- da je zaprimljeno/pristiglo 5/pet/ ponuda;
- da su ponude ponuđača „Svjetlostkomerc“ d.d. Sarajevo, „Defter“ d.o.o. Sarajevo, „Aero exclusive“ d.o.o., „R&S“ d.o.o Sarajevo, „Inter-Com“ d.o.o. Zenica prihvatljive.

Nakon provedene E-aukcije održane dana 04.10.2024. godine u 11:00 sati, ponuđač „DEFTER“ D.O.O. Sarajevo snizio svoju prvobitnu cijenu i tim postao ponuđač sa najpovoljnijom ponudom.

U postupku donošenja ove Odluke posebno su cijenjene činjenice da je Komisija pravilno i potpuno izvršila ocjenu kvalifikovanosti ponuđača, te ocjenu pristiglih ponuda, a skladu sa kriterijima iz Tenderske dokumentacije, te da je izbor najpovoljnijeg ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom. Izabrani ponuđač odabran je primjenjujući kriterij „najniža cijena“.

Uzimajući u obzir naprijed navedeno, odlučeno je kao u dispozitivu ove Odluke.

POUKA O PRAVNOM LIJEKU:

Protiv ove Odluke može se uložiti žalba ugovornom organu u pisanoj formi, direktno, elektronskim putem ili preporučenom poštanskom pošiljkom, najkasnije u roku od 10 /deset/ dana od dana prijema ove Odluke.

**V L A D A
BOSANSKO- PODRINJSKOG
KANTONA GORAŽDE**

Broj: 03 – 11-2193 /24
17.10.2024. godine
G o r a ž d e

